



17747

kat.komp

I

Mag. St. Dr.

P

*Jusksentia Gregorius: Poëtriae vacuulis omnibus
celeberrimas, quas in nuptias Joannis
Formankowic etc. vocavit.*

PANEG. et VITAE

Polon. 4.

№. 205.

S

D

E

D.

F

Ad

f

GR

C

P O E T R I Æ
Sæculis omnibus celeberrimæ

Quas

In Nuptias Spectatissimi Viri, Dni,
D. I O A N N I S
FORMANKOVIC,
CIVIS CRACOVIE:

ET

Lectissimæ Virginis
E L I S A B E T H Æ
P I P A N N I Æ

Clarissimi Domini

D. G E O R G I I P I P A N
Philosophiæ & Medicinæ Doctoris,

Filia

Ad Epithalamium, boni ominis & au-
spitij gratiâ, occinendum, è suo Par-
nasso, in Urbē Sarmatiæ Principē,

GREGORIVS IVRKIEWICZ, ARTIVM
& Philosophiæ Bac: euocavit & produxit.


CRACOVIAE, Anno D. 1638.



Horatius lib. 1. Ode 13.

Felices ter & amplius
Quos irrupta tenet copula, nec malis
Diuisus querimonijs
Suprema citius soluet amor die.

17747 I



[Specta-]



ad
bau
suâ
Tua
sint
Ma
blan
non
sorte
quer
mit
run
et al
cius
veri

Spectabilis Domine.

D. & M E C Æ N A S

Literarum mearum amplissime, S. P.



Inter fauentissimas amicorum gratulationes, meas etiam quæ Tuo beneficio erumpunt in lucem Pœtrias, admitte in conspectum, in hac solennitate Nuptiarum. Non erunt credo hospitibus, Tibiq; submolestæ: quæ Virginis Sponsæq; dotes ad optatum thalamum deducunt. Satis illarum cultum probauerit, qui candidus est. Virgines sunt, fucum neglexerunt: suâ simplicitate contentæ, quæ adeo Spectabili Dominationi Tuae fauent, ut etiam de Virginitate Sponsæ minus sollicitæ sint: cum præsertim Virginitatis iactura, cum fœnore lucroq; Matrimonij, regeneretur ad posteritatis solatiũ. An quæ tam blandum cantant Carmen, eadem felicitas habuerit Pœtrias, non intelligo. Forsan, quam alijs gratulantur, optauerint sibi sortem, sit tam dulcem & amenum sortita fuissent sponsum, quem carminibus commendant. Neq; verò contemptum admittunt, quæ suâ Pœsi, Pœtas etiam ingenio potentes superârunt; ut ne esset qui succumbit inferior sexus, semperq; ferant ætatem apud posteros Virgines, quæ virilem fortius & felicius retinent vigorem. Frustra mihi suam Propertius laudauerit Cynthiam: hæc lectissima, quæ felici luce domum dedu-

citur uxor, præstantior est, & digna magis, quæ cum Sapphone, Corynna & Erinne comparetur. Sappho quidem Princeps Pœtria fuit, sed ut dulcius caneret reliquam nunc sibi fecit perorationem: de qua nihil dicere, necesse est; siquidem Carmen Sapphicum omnibus mollius, & formosius Cupidinibus, sine marito peperit. Corynna porro quàm sit bellatrix fortis in armis, vel Pindarus quinquies victus facetur. Nisi quod (ut Pausanias ait) Dorica lingua balbutientem peregrinitatem, Ciuibus Aeolicis non probauit. Formanè magis an virtute Virginis fuerit superatus, non liquet. Erynnem autem, Sapphonis Comitem sociamq̃, quanquam unum Pœma (quod more suo Colum vocauit) trecentis versibus confecisset, cum Homero ingeniorum Dædalo, contulisse non dubitauit antiquitas. Non igitur has Virgines hospites contempserit quisquam, quæ & suo ingenio sunt honoratæ, & presentibus Nuptijs per quàm fauētes: Quas ego, sed me magis, fauori & beneuolentiæ, quam expertus sum toties, diligenter cōmendo.

Spectabilis Dominationis T.
deuotiss. & obsequentissimus cliens,
Gregorius Iurkievicz.

CORYN-



CORYNNA.

Interea celebras noua dum Sponsalia Spons
Omnia fausta tibi feruens precor; Aureus vt So
Auratos fundat radios à vertice Olymp
Nostrisq; insinuet solennia carmina Musi
Ne lätis desint Conuiuis omnia lät
Eia adsit viuax Genius, Bromiusq; Pater, su
Secretisq; adsit consors thalamis Venus. Ecc
Formosusq; celerq; puer, iam spicula torque
Oppugnatq; puellarum, oppugnatq; virorum o
Robustas etiam mentes! sunt omnia quip
Mellea verba, Ioci, risus, dulcesq; cachinn
Abstrusiq; simul sensus in pectore pup
Nunc ridet blandum, sua nunc temerarius arm
Congerit, & variè nectit de nomine Nome
Omnia dissimulans. Alludit amabilis Hyme
Viribus & validus qui pectore Nixius im
Vibrat in amplexu suspiria. Mox Dea Corn
Insigni diues, nexuq; Leuanna potent
Cana Fidesq; arctat Sponsos per foedera Sacr

E
L
I
S
A.
B
E
T
H
P^c
I
P_i
A
N
N
O
V
I
A

ERIN-

ERYNNE.

Vesper ô Comites adest,
Docta dicite carmina,
Vota promite prospera,
Virginiq; PIPANNIÆ
Cuiibusq; disertis.

Præscius thalami Comes,
Lectulum in viduum sibi
Arrogare fideliter
Virginem ambit, amabilem,
Cultam & ore decoram,

Ecce deproperant chori
Vt nouo geminent viro
Virginiq; lubentias,
Pulchra quas Venus ingerit
Et Cupido tenellus,

Ciuium lepidissime,
Sponsæ Virginis optime,
Flammeum cape, lætus &
Pulsa humum pede libero,
Iam tibi datur vxor.

Inter

Inter optima Virgines
Quas Craci aspicit Vrbs pia:
Inter optima Naiades
Vandalus suo in alueo
Quas habetq; habuitq;.

Vxor illa tibi datur
Optimi Patris Optima
Filia ELISABETH, ferens
Matris ingenium Suæ
Indolemq; serenam.

Hanc PIPAN, Patriæ Pater,
Filiabus amoenior,
Filijsq; beatior,
Ciuibusq; fauentior,
Vltimam edidit Orbi.

Phæbus ingenium Viro
Et manus Medicas dedit:
Vt sit & Podalirius
Aesculapius, Hyppocras,
Vt sit arte Machaon.

Ille & anchora Ciuibus,
Et salus morientibus
Et beatior omnibus
Ficta fabula quos canit,
In ministerio artis.

Non pi-

Non pius magis, ac neq;
Innocentior, æquior,
Iuris aut magis intimus
Arbiter fuerit, neq;
Quis disertior illo.

Ergo virgo serenior
Linque iam gremium tuæ
Matris, & gremium tui
I Viri pete, cui venis
Expetita puella.

Te Viro tremulus Pater,
Te Viro dedit & Parens;
Flere desine, desine,
Ecce Sponsus amabilis,
Sponsus ecce tuus iam est.

Nam quid interea times
Ille non minùs atq; tu
Pectore vritur intimo;
Quid moraris abit dies,
Prodeas noua nupta.

Tardat ingenuus pudor!
Flet quod ire necesse sit
In marita cubilia:
Quid moraris? abit dies.
Prodeas noua Nupta.

Prodit

Prodit ô noua Nupta iam, &
Pergit in thalamum suum,
Ore floridulo nitens
Alba parthenice velut
Luteumue papauer.

Quod capis cape, iam marite--
Vxor in thalamo est tibi
Ludite vt lubet & breui
Liberos similes date
Liberosq; venustos.

S A P P H O.

ECce in augustâ, ô teneræ Sorores,
Urbe demittens oculos nitentes
Sponsâ procedit: roseus pudor quam,
Ritè colorat.

Naiades castæ, Driadumq; vernans
Turba, cum Nymphis veniunt pudicis
Gratiæ, & Musæ dociles paratos
Promere versus.

Iam choros aptis numeris frequentant,
Vota Solenni ingeminantq; voce,
Hospites læti: labor vnus omnes
Et manet ardor.

B

Vnam

Vnam Elisam omnes celebrant PIPANNIAM--
Ore propenso, thalamumq; Sponsi
Auspicatum, omnes, nimium fauenti
Carmine, laudant.

Adfer huc vnguen, puer ac Liæum,
Adfer huc Stacten, genus omne succi,
Magma, pastillos, Syrijsq; vecta
Balsama ab oris.

Hæc dies solennis erit pudicæ
Virgini, & sponso quoq; erit, Patriq;
Et Parenti, vtroq; fauentibusq;
Ciuibus. Ecce,

Ponè iam Sponsum sequitur iuuenta
Feruidum spirans, sequitur voluptas
Prodiga, armatusq; pharetrâ & arcu
Cypridis infans.

Ponè sed Sponsam Geniusq; Hymenq;
Dotibus pulchris quam Erycina adornat,
Dotibus Pallas sapiens adornat,
Iunoq; diues.

Flectite in laudes Genitricis almæ
Flectite ô neruos faciles Sorores:
Quis neget porro Genitrici Amorum
Carmina docta.

Ante

Ante nec terræ facies inerti,
Nec suis stellis honor : & sine vllis
Aura torpebat Zephyris, sine vllis
Piscibus vnda.

Prima de Patris gremio Cythera
Cæca naturæ miserata membra,
Solvit antiquam, nimium beato
Fœdere, litem.

Illa supremis spatijs remouit
Lucidum hunc ignem, mediasq; terras
Arte suspendit, pelagusq; molles
Inter & auras.

Tunc repentinis freta visa monstros
Feruere, & noua facie nouoq;
Flore, diffusos aperire tellus
Dædala vultus.

Tum greges passim varios boumq; ar-
menta, iam pictas volucres, ferasq;
Surgere, emotis erat hîc & illic
Cernere glebis.

Magna Amorum ergò genitrix, propago
Aurea, huc adsis, precor, & malignâ
Lite discussâ, tua da beata
Gaudia Sponsis.

Tu qu.

Tu quies rerumq; hominumq; sola;
Tu graues curas, & amara fessæ
Amoues menti, & refoues benignas
Pignore gentes.

Da pijs fructum, Dea pulchra, Sponsis;
Vt quod optârint liceat potiri,
Rideat dignus patre FORMAN—
KOVIVS hæres.



Rideat matri tenero labello,
Rideat pulcher facie, suisq;
Moribus sit, cum bonitate, gratus
Omnibus infans.

Lufimus tandem satis, ô sorores,
Iam boni viuant, valeantq; Sponsi,
Et valentem muneribus Iuuentam
Coniugij ornent.



Bp. 1. 15

Biblioteka Jagiellońska



std:0009761

